



Asiant Cefnffyrdd Gogledd a Chanolbarth Cymru



Dirprwy Reolwr Gwytnwch

Pecyn Recriwtio

Croeso gan y Pennaeth Gwasanaeth



DAVID COOIL
PENNAETH GWASANAETH ACGCC

Yn yr ACGCC rydym yn helpu i greu rhwydwaith ffyrdd sy'n cysylltu pobl a lleoedd mewn modd mwy diogel, a mwy dibynadwy.

Rydym yn gweithio ar brosiectau ar draws Gogledd a Chanolbarth Cymru sy'n mynd i'r afael â rhai o heriau mwyaf tyngedfennol y wlad. O seilwaith cymhleth, cynyddu anghenion trafnidiaeth, a newid yn yr hinsawdd – rydyn ni'n cyfuno arloesi, arbenigedd a thechnoleg i wneud Gogledd a Chanolbarth Cymru yn lle gwell i fyw, gweithio ac ymweld ag ef.

Gallwch gyfrannu at waith fydd yn cael effaith gadarnhaol barhaol ar eich cymuned leol gyda sefydliad lle mae amrywiaeth, tegwch a chynhwysiant yn werthoedd a rennir. Rydym wedi ymrwymo i feithrin amgylchedd gwaith sy'n

gefnogol, yn barchus ac yn gynhwysol, gyda chyfleoedd gwyb ar gyfer twf.

Beth am roi cynnig arni? Byddem yn hapus iawn i ystyried eich cais i ymuno â'n tîm medrus, brwdfrydig a chyfeillgar.

A handwritten signature in dark ink, appearing to read 'D. Cooil'.

Ble rydym wedi'n lleoli

Dros 250 o weithwyr ar draws Gogledd a Chanolbarth Cymru.

- Aberaeron, Ceredigion
- Bangor, Gwynedd
- Conwy
- Dolgellau, Gwynedd
- Helygain, Wrecsam
- Llandrindod, Powys
- Drenewydd, Powys



Teitl y swydd: Dirprwy Reolwr Gwytnwch

Cyflog: PS2 (SCP 31-33) £39,186 - £41,418

Cyfnod: Parhaol

Lleoliad: **Gweithio Hybrid** o un or
swyddfeydd isod:

Bangor / Conwy / Helygain

Dyddiad cau: 22/02/2024

**Ffurflenni cais a manylion pellach ar
gael trwy wefan Cyngor Gwynedd
www.gwynedd.llyw.cymru neu drwy
ffonio 01286 679076.**

Ymgeisiwch

Pwrrpas y swydd

Cynorthwyo RDGT ar ddatblygiadau pellach y cynlluniau a gweithdrefnau wrth gefn ar draws y rhwydwaith cefnffyrdd yng Ngogledd a Chanolbarth Cymru yn unol â gofynion Llywodraeth Cymru i gwrdd â safonau gofynnol Deddf Argyfyngau Sifil 2004. Pwrrpas y swydd ydi i gynorthwyo'r RDGT i ymgymryd â dyletswyddau Swyddog Diogelwch annibynnol dynodedig yn unol â Rheoliadau 11(a), 11(b) ac 11(d). Darparu cyngor arbenigol i'r Asiant Cefnffyrdd ynglŷn â materion rheoli gwytnwch yn ymwneud â'r rhwydwaith cefnffyrdd er mwyn sicrhau y darperir ymateb cadarn sy'n gymesur i argyfyngau (e.e. tywydd garw a digwyddiadau).



Cyfrifoldebau

- Cynnal Cynlluniau wrth Gefn yr Asiant yn unol â gofynion Llywodraeth Cymru, paratoi adroddiadau fel y bo'r angen ar gyfer yr Uned Rheoli Cefnffyrdd er mwyn adrodd wrth Lywodraeth Cymru, cysylltu â rhanddeiliaid allweddol (Eraill) gan gynnwys, ymhlith eraill, y Gwasanaethau Brys Categori 1 a 2, swyddogion Llywodraeth Cymru, cynllunio argyfwng yr awdurdod lleol, swyddogion amgylcheddol a phriffyrdd, darparwyr gwasanaeth y sector preifat a'r sector cyhoeddus (gan gynnwys contractwyr ac ymgynghorwyr), UK Highways Ltd, ACDC a Darparwyr Gwasanaeth Llywodraeth Cymru.
- Cysylltu â staff eraill yr Asiant a darparu cefnogaeth iddynt ar faterion gwytnwch, ymgymryd ag unrhyw ddyletswyddau eraill sydd gofyn amdanynt er mwyn cyflwyno'r gwasanaethau sydd gymesur â graddfa'r swydd, gweithredu yn unol â pholisïau'r Cyngor a rhai ei gleientiaid dan y Cod Ymarfer perthnasol, chydymffurfio â dyddiadau cau cytunedig ac amcanion cerrig milltir yn foddhaol.
- Cyflawni a chynnal y safonau uchaf o reolaeth o fewn yr Asiant Cefnffyrdd, ymgymryd ag unrhyw hyfforddiant perthnasol mewn perthynas â Datblygiad Proffesiynol Parhaus, sicrhau perthnasau da drwy safonau gofal cwsmer, a datblygu a chynnal morâl da a chynhyrchedd y tîm.
- Cynorthwyo Rheolwr Twnnel Llywodraeth Cymru gyda rheoli Dogfennaeth Diogelwch a'r ddogfennaeth sydd gofyn eu cael gan ddeddfwriaeth, polisi, gweithdrefnau neu safonau, cynorthwyo Llywodraeth Cymru gyda'u dyletswyddau o dan y Gorchymyn Diwygio Rheoleiddio 2005, cysylltu â'r rheini sy'n ymgymryd â swyddogaethau'r Prif Contractwr a Phrif Ddylunydd ar Dwnneli'r A55, a bod yn bresennol mewn cyfarfodydd a chynadleddau fel y bo'r gofyn yn ymwneud â materion rheoli risg gan gynnwys Fforwm Gweithredwyr Twnneli y DU / Cymdeithas Gweithredwyr Twnneli Ffyrdd.
- Cynorthwyo i adnabod materion gwytnwch y rhwydwaith a mesurau i leihau risg a gweithrediad y rhwydwaith. Bydd hyn yn cynnwys, er enghraifft, risg llifogydd, risg llygredd, risg Tân, risgiau tywydd gwael yn cynnwys cynnal a chadw yn y gaeaf, gwrthdrawiad traffig ar y ffyrdd, tagfeydd, a gwyradau tactegol a strategol.
- Rheoli a chynnal ansawdd y cynlluniau wrth gefn, mesurau diogelwch a gweithdrefnau argyfwng sy'n effeithio cefnffyrdd, cysylltu â staff yr Asiant ac eraill i ddylunio, gweithredu Ymarferion Argyfwng a gofynion hyfforddiant priodol eraill, a chysylltu â staff a swyddogaethau'r Asiant ar ddatblygiad System Rheoli Parhad Busnes ACGCC. Mynd i gyfarfodydd Fforwm Cydnherth Lleol (FfCLI) rhanbarthol is-weithgor priodol yng Ngogledd a Chanolbarth Cymru ac ymarferion a gytunwyd gan y Swyddog Diogelwch Twnneli a'r Rheolwr Gwytnwch, a mynychu a chynghori Grwpiau Cynghori ar Ddiogelwch Awdurdodau Lleol ar faterion Cefnffyrdd.
- Gweinyddu gweithredu a monitro prosesau a gweithdrefnau'r Asiant er mwyn sicrhau bod darpariaeth ddigonol ar gyfer ymateb yn ystod y dydd a thu allan i oriau i argyfyngau er mwyn bodloni gofynion perfformiad Llywodraeth Cymru.
- Cynorthwyo datblygiad cynlluniau wrth gefn yr Asiant a phrosesau ar gyfer argyfyngau ar y rhwydwaith cefnffyrdd mewn cydweithrediad ag Eraill.
- Cynorthwyo staff ACGCC eraill yn ystod ymateb a rheoli digwyddiad o argyfwng (yn ystod y dydd a thu allan i oriau) fel bo angen
- Trefnu hyfforddiant rheoli digwyddiad perthnasol ar gyfer yr Asiant.
- Cynorthwyo gyda darparu prosesau ôl-drafodaeth yr Asiant.



Dylech gyfeirio at y meini prawf penodol i'r swydd hon yn eich ffurflen gais.

Meini prawf penodol i'r swydd

Yr ydym yn chwilio am berson sydd ar allu i weithio Tu Allan i Orlau ac mewn Argyfwng, gallu gweithio mewn amgylchedd tîm, ymroddgar ac â'r gallu i gymhell ei hun, ac sydd gyda sgiliau rhyngbersonol wedi'u datblygu'n dda a'r gallu i ddylanwadu ar eraill

Cymwysterau a hyfforddiant perthnasol

Chwilio am berson sydd a radd mewn pwnc perthnasol neu HNC gyda phrofiad perthnasol sylweddol (cymhwyster mewn peirianeg, technoleg, gwyddoniaeth, iechyd a diogelwch neu'r amgylchedd).

Profiad perthnasol

Medru dangos profiad mewn cynllunio wrth gefn neu weithdrefnau argyfwng.

Sgiliau a gwybodaeth arbenigol

Sgiliau cyfathrebu da, ymwybyddiaeth a dealltwriaeth dda o reolaeth iechyd a diogelwch ac amgylcheddol, ac yn wybodus gyda TG, yn medru deall a defnyddio ystod o systemau TG i gyflawni'r allbynnau y mae'r Cleient eu hangen. Gwybodaeth am reoliadau statudol, safonau a manyleb o ran asedau priffyrdd neu gynllunio wrth gefn, gallu trefnu blaenoriaethau gwaith, cynllunio ymlaen llaw a chyflwyno rhaglenni gwaith yn brydlon gyda chyn lleied o oruchwyliaeth â phosib, yn ogystal â thrwydded yrru gyfredol.

Gofynion ieithyddol

Mae'r gallu i siarad Saesneg yn hanfodol ar gyfer y rôl hon

Gweithio i Asiant Cefnffyrdd Gogledd a Chanolbarth Cymru

Mae ACGCC yn lle cyffrous i weithio. Mae gennym bolisiâu blaengar a rydym wedi ymrwymo i hyfforddi a



- 28.5 dyddiau o wyliau blynyddol y flwyddyn.
- 8.5 diwrnod o wyliau cyhoeddus a statudol.
- Gweithio'n hybrid o leiaf 2 ddiwrnod yn y swyddfa.
- Orlau gweithio hyblyg.



- Cyflog cynyddol.
- Cynllun Pensiwn Llywodraeth Leol Ceir rhagor o wybodaeth ar wefan [Cronfa Bensiwn Gwynedd](#).



- Cyfle i weithio mewn lleoliadau prydferth ar draws Gogledd a Chanolbarth Cymru gan gynnwys 1 parc cenedlaethol, 50 gwarchodfa natur a 1,680 milltir o arfordir trawiadol



- Cynlluniau cymorth i brynu car ac i feicio i'r gwaith
Arbediadau siopa bwyd, gwyliau, mynd allan i fwyta, DIY, offer trydanol, yswiriant, moduro, a llawer mwy!



- Ystod eang o gyfleoedd hyfforddi a datblygu mewnol ac allanol.
- Diwrnod yr wythnos i gwblhau gradd prifysgol.
- Cyfraniad tuag at aelodaeth o gyrff proffesiynol sy'n berthnasol i'r gwaith



- Gwasanaeth Cwnsela MEDRA - gwasanaeth cwnsela cyfrinachol am ddim i staff.
- Absenoldeb hael ar gyfer mamolaeth, tadolaeth a mabwysiadu.